

Lengkapkan ayat-ayat yang berikut dengan memilih jawapan yang paling sesuai.

- 1 Puan Amena _____ kedatangan Puan Lee ke rumahnya dengan senyuman.
 A menarik C menangkap
 B menadah D menyambut
- 2 Sherry _____ tetamu yang menghadiri majlis hari lahirnya dengan mesranya.
 A membawa C melayan
 B meninjau D melihat
- 3 Nuha dan rakan sekelasnya _____ lawatan ke Melaka Bandaraya Bersejarah.
 A meminati C menikmati
 B mengikuti D menghayati
- 4 Kita perlu _____ keamanan dan kemakmuran yang kita nikmati di negara kita.
 A menghargai C mengingati
 B mengagumi D mengalami

Kenal pasti jenis ayat di bawah ini dan nyatakan sama ada ayat penyata, ayat tanya, ayat seruan, atau ayat perintah.

Ayat	Jenis Ayat
1 Pelancong itu sedang melihat pameran kraf tangan di dewan pameran.	
2 Wah, meriahnya sambutan hari kebangsaan pada kali ini!	
3 Mengapakah kita perlu mengamalkan prinsip Rukun Negara?	
4 Jangan gantung Jalur Gemilang secara terbalik.	
5 Apakah sejarah Menara Condong Teluk Intan ini?	
6 Lim Kee menghadiri majlis perkahwinan rakannya, Haikal.	



Revisi Pantas

Kata Kerja Transitif

- Kata kerja transitif mesti diikuti oleh objek yang terdiri daripada kata nama atau frasa nama untuk melengkapkan maksudnya.

Contoh:

- menarik tangan
- menadah air hujan
- menangkap ayam
- menyambut kedatangan
- membawa buah tangan
- meninjau suasana
- melayan tetamu
- melihat pemandangan
- meminati penyanyi
- mengikuti perkembangan
- menikmati makanan
- menghayati muzik
- menghargai jasa
- mengagumi tokoh
- mengingati rakan
- mengalami kecederaan

Jenis-jenis Ayat

- Ayat penyata digunakan untuk menceritakan sesuatu hal atau memberikan keterangan tentang sesuatu hal.
- Ayat tanya menggunakan kata tanya seperti apa, bagaimana, berapa, bila, mana, dan siapa serta disertai tanda tanya (?).
- Ayat perintah menggunakan kata perintah seperti harap, minta, tolong, jemput, sila, jangan, dan usah.
- Ayat seruan mesti didahului kata seru dan disertai tanda seruan (!) pada akhir ayat.